

摘藻堂四庫全書薈要

集部

欽定四庫全書薈要

集部

皇清文穎卷七十四

三

詳校官候選知縣臣吳國華



欽定四庫全書薈要卷一萬九千四百七十三

集部

皇清文頴卷七十二

詩

言律詩

重陽

乾清宮侍宴賦詩恭紀

和親王弘晈

九日筵開煥彩霓承

恩叨侍未央西韻分秘冊親臣送序灑

天章御筆題獻瑞金英凝雨露傳觴玉液浸玻瓈載賡  
既醉歡無極捧日紅雲繞殿低

柳絮

和親王弘書

垂楊千樹翠成圍  
踈地柔絲拂落暉  
春晚漸催花信去  
絮輕還傍綠陰飛  
隨風蕩漾侵簾近  
度水飄搖點石稀  
幾度餘寒還料峭  
可堪供緝薄綿衣

賦得柴門臨水稻花香

和親王弘書

隱隱江村有數家  
柴門向處稻初花  
隴頭經雨香纔透

塍畔迎風穗欲斜  
溪水一灣臨曉鏡  
笙歌千部聽鳴蛙  
今年彌望平疇好  
祝滿篝車願未奢

十月朔頒時憲書

和親王弘晝

正朔頒來瑞氣新  
仙蓂一莢長

楓宸垂衣拱手瀛寰治  
欽昊勤民節序均  
九有山川歸禹服  
萬邦時月協虞巡  
在廷稽拜齊賡祝

寶祚長綿萬歲春

晴雪早朝

和親王弘晝

積素凝輝繞禁林  
丹墀濟濟列冠簪  
天邊輕散初陽彩  
殿上遙傳雅樂音  
佩玉聲傳殘漏度  
爐烟暖辟曉寒侵  
九重德意如春普  
虎拜同傾向日心

燕山八景

和親王弘晝

龍從瓊島矗層空  
點綴春陰勝畫工  
瑞氣繽紛瑤草綠  
祥光繚繞玉芝紅  
露華不墜高峰濕  
煙翠輕披茂樹籠  
最是

宸遊佳麗處  
時聞簫管五雲中

瓊島春陰

西風涼入景澄鮮  
太液波搖散曙烟  
亂颭荷珠驚白鷺  
斜催雁字沒遙天  
岸傍蟬咽疎林響  
水面魚吹翠帶牽  
無限遐心何處著  
蒹葭玉露思悠然

太液秋風

凌空瀉處玉龍飛  
靄靄晴雲掩映宜  
似練遠從千澗落  
如虹直向九天垂  
停泓原有盈科勢  
濺沫非無潤物時  
坐對更添吟賞趣  
斜陽紅抹影參差

玉泉垂虹

千岫參差

帝闕西銀屏一派  
素輝齊樹枝盡是  
瓊葩綴樵路都為

玉屑迷淡抹晴霞渾似綺暗融朝日未成泥豐亨來歲  
端堪卜黶黶祥雲入望低 西山晴雪

迢遞郊原古薊門森濃樹色帶烟昏長空低接迷濃淡  
遠郭平拖互吐吞渺渺綠蕪連

帝里重重翠黛映山村南樓極目渾難辨一幅青山渲  
染痕 薊門烟樹

晨鐘初動曉蒼蒼月照蘆溝白似霜車馬縱橫連倒影  
星河踈淡黯清光往來人跡長橋上斷續鷄鳴曲岸傍



指顧

帝城佳氣繞千村燈色已輝煌

蘆溝曉月

居庸萬仞勢崢嶸地設天開翠

帝京樹影籠葱烟乍散山光紫翠日初生古原近帶溪

流急碧落遙看雁陣橫形勝何須誇百二好憑渥澤被

寰瀛

居庸疊翠

崔嵬遺跡仰金臺燕趙山河一望開閒挂斜陽催晚去  
還看暮影逐烟來餘霞片片浮紅綺歸鳥聲聲度綠槐

厚禮招賢成已事樂生端的不凡才

金臺夕照

賜柑恭紀

和親王弘晝

千頭封蠟自江南異味新嘗齒頰甘皮燦朱囊香細細  
瓢分瓊片數三三

頒來祇覺清芬滿擘處還看翠液含自是

聖恩常廣洽上元未到便傳柑

賜哈密瓜恭紀

和親王弘晝

聖澤旁敷豈有涯西藩土物獻

皇家禁中薦處初呈味盤裏分來並拜嘉香霧霏霏清  
撲鼻甘泉漉漉冷侵牙舊聞五色傳佳種從此東陵未  
足誇

賦得青山長對卷簾時

和親王弘晈

院落無塵愜素心蒼苔綠樹映森森門迎黛色層峰近  
簾卷春風列嶂深橫繞嵐烟三面畫暗分巒影一堦陰  
閒來書簡披吟處字裏長疑翠色侵

雍正七年十一月某日闕里

文廟上梁前二日慶雲見

上躬詣太學致祭用答鴻休恭紀二首

和親王弘晝

鑾輿夙駕瑞烟披華蓋繽紛映彩旂

天賜祥雲輝闕里

帝陳盛典饗

先師隆文萬古瞻

昭代釋奠三雍仰

令儀自此儒風光日月欽崇不數漢唐時

廟貌新崇煥棟梁慶雲五色麗祥光非徒紉縵呈佳瑞  
可識離明動上蒼

聖主欽儒隆典制英才際會合騰驤只今釋奠成均日  
爐霽紛披禮樂彰

古柏

和親王弘晝

古柏橫斜布翠陰卧龍盤鳳鬱森森高枝百尺凌寒壑  
黛色千重映碧潄翠傲霜風知勁節紋纏苔鮮見貞心

孤高未許尋常友只有庭前綠玉簪

喜雨二首

和親王弘晝

雲氣冥濛欲潤衣及時靈雨灑霏微  
香衢輕壓紅塵靜麥坂齊翻翠浪肥  
巧燕戀巢飛屋角牧童袖笛向柴扉  
濯枝潤葉饒生趣

聖德通天天不違

精誠何用禱西宮默感穹蒼慰

聖衷萬頃平疇搖碧浪一天霖雨降鴻濛  
無風却喜今

朝足不卜應知此歲豐  
流澤如膏堪載筆  
南山翠黛瑞煙籠

海潮應月

和親王弘晝

錢江渺渺夜蕭寥  
看到輪圓識早潮  
浪疊直如堆白雪  
月盈真欲透清霄  
桂宮蟾兔浮蒼色  
碧海蛟龍逐怒濤  
千古竒觀勞羨想  
何時登覽越山椒

雨中山翠

和親王弘晝

西山聳峭列屏風  
雨後看來迥不同  
高岫半藏朝霧裏

翠螺遙點碧霄中  
數重樹色蒼蒼繞  
幾朵雲峯淡淡籠  
那得生綃長十丈  
臨牕潑墨倩顛翁

賜讀

御製冬至齋宮詩第二章奉

命恭擬敬呈

御覽

和親王弘晝

乾乾惕若宿

齋宮默貫天人夙  
夜中祇以寸心通



上帝總因萬姓禱

蒼穹律回葭管豐年兆氣轉鴻鈞大地融崇祀精誠昭  
感格

躬膺福祉永無窮

乾清門侍直

怡親王弘曉

五更斜月見鴉飛旭日將升曙暉金闕向明鐘乍動  
玉墀待旦漏初稀瑞雲繞處開黃道湛露凝時近  
紫微鴛鴦班齊承

詔旨御香偏染侍臣衣

暮春卽事次韻

怡親王弘曉

園中小築似農家十里舟行看落花  
夾岸千條楊柳線繞堦一簇牡丹芽  
軒開北牖飛春雨門對西山映暮霞  
待到夜闌人靜後蓼灘深處聽鳴蛙

元日早朝口號

誠隱郡王允祉

太平景物樂春光元日趨朝拜

聖皇銀燭輝煌開萬戶金爐縹緲轉千廊  
和風微動簪

纓隊曙影徐分鴛鴦行玉帛來同齊獻祝樽傾北斗慶  
年芳

秋日

乾清宮應

制

誠隱郡王允祉

九重宮殿秋初屆瑟瑟涼風徹禁林暑向西山全斂退  
雲飛北闕半晴陰玉階澄淨浮塵遠丹陛輝煌瑞靄深  
自愧庸才承

詔命拜颺何幸抒微吟

中秋扈

蹕塞外校獵

誠隱郡王允祉

塞垣紅葉曉霜催橐鞬嚴裝扈

蹕來滿月珣弓飛鷺羽嘶風鐵騎震龍堆  
曉峰雲影千旗合夜火星聯萬帳開  
秋獮

聖朝循故事飛熊還載後車回

聖駕南巡蒙

恩以途間

御製詩文賜示恭紀二首

誠隱郡王允祉

帝歌瓠子即平成

宵旰精勤更省耕  
物在春臺皆自樂  
野張行殿見輿情  
民瞻彩舸花前拜  
馬避嘉禾柳外行  
過沛橫汾徒羨美  
宸章全是為蒼生

時邁乘陽輦路遙

宸遊非為物華饒  
河沉璧馬波濤靜

詔下金鷄貫索消萬國冠裳迎

聖禹四方雲日覲

神堯篇章訓誥皆師古徒解數詞笑六朝

隨

鑾駐蹕於樺榆溝

行宮恭紀

時五月朔二日

誠隱郡王允祉

山林佳趣自然生塞外

離宮選勝成灤水東流琴韻切堯峰西上梵音清野花

含笑新霑露茂樹乘時正向榮  
扈

蹕初來逢午日願將蒲酒賀

文明

賦得禁城春色曉蒼蒼應

制

誠隱郡王允祉

率土同歡大地春車書人物共維新  
金門早布陽和令  
玉宇均沾

造化仁淑氣晴光開曉日祥風麗景慶佳晨

御園統賀三元節

寶殿還歌

萬壽椿

癸巳歲

皇上六十萬壽大慶恭紀二首 誠隱郡王允祉

華渚虹流景運開  
中天雲物正昭回  
北辰環見諸星拱  
南極光連

帝座來品類歡心歸  
壽域乾坤佳氣滿  
春臺萬年枝上



宮鶯囀惠日和風遍九垓

日新乾健慶

皇躬垂拱無為致邛隆萬物生成資厚德

一人天地讓全功六旬花甲循環轉五紀恩波遠近同  
不用廷臣金鏡進共知

宵旰在深宮

元日早朝

慎郡王允禧

斗柄先回

帝座春喜逢黃道會元辰氣融海嶽乾坤曉光滿樓臺  
日月新雉扇徐開瞻紫極鵷行拜舞覲楓宸

聖皇有道生為德早共陽和布澤勻

漁人

慎郡王允禧

平鋪春水碧粼粼好在浮家泛宅人楊柳風輕晴曬網  
杏花雨細晚投綸棹歌互答青山近鐵笛閒橫白月新  
自是此身無繫戀一帆何處不通津

雪後早朝

慎郡王允禧

積雪清消紫陌塵銀杯逐馬帶隨輪光分明月千門曉  
枝綴瓊花萬樹春九鼎香烟飄彩仗五雲晴色擁  
楓宸太平預卜豐年瑞早識垂衣

聖治淳

丁未四月十二日

恩賜

御園避暑讀書恭紀二首

有序

慎郡王允禧

朱明應令暑氣方殷遽被

溫綸仰蒙

天眷

恩深太液在堯天  
舜日之中居近清  
都挹瑤島蓬池之  
勝竹埤避暑寧知  
赤日當天藻砌招  
涼不斷清風入戶  
揮毫芸閣花香與  
墨氣俱浮肄業紗  
牕松籟共書聲遠  
叶乃賞歡之未已  
忽惶愧之曷加凡  
以三夏之嬉遊俱  
係

九重之愛護爰疏  
短引敬賦七言非  
圖擅文藻於當時

只欲矢涓埃於他日已耳

承

恩直擬上清虛瑤島頻年

賜起居天矯蒼松眠古鶴連牽文藻趁嘉魚一簾花雨  
催吟筆十畝濃陰蔭讀書到處莓苔皆可坐不須灑掃  
到蘧蔭

雕梁乳燕學呢喃池面荷抽綠漸添深樹籠雲湘簾冷  
閒堦過雨石苔纖披書靜喜山窗牖琢句清看水隔簾

竟日炎威飛不到晚涼庭院玩新蟾

上元夜

慎郡王允禧

九陌祥烟夜景賒通宵寶馬度香車月明銀漢三千界  
燈艷春城十萬家星焰別飛天半彩荷開不作水中花  
遊人共道昇平樂處處笙歌笑語譁

送僧住西山

慎郡王允禧

寥天孤鶴任騫飛一錫年來卓翠微入定自鋪黃葉坐  
閒行應伴白雲歸林間素侶經行慣物外心知見面稀

擬向杼山問詩法攜筇蠟屐叩禪扉

桐露堂十月望後夜集

慎郡王允禧

松火爐紅玉漏遲輕霜剪剪撲簾帷人來月白風清夜  
酒熟橙黃橘綠時共許譚詩留款洽何妨說劍騁雄奇  
重煨芋栗開殘酌星斗闌干坐莫辭

元日陪

駕叩覲

慈寧宮

崇慶皇太后禮成恭紀長句

慎郡王允禧

太平

天子拜

慈顏虎衛鵷行趨百官日麗

萱堦籠瑞靄風迴

蘭禁掃春寒宸中共覩千年勝

膝下新承萬國歡何幸

兩宮清切地追隨長在五雲端



盛京四首

平郡王福彭

王氣蔥龍擁鳳城  
開天景運在

陪京山環水繞雄  
關立虎踞龍盤

帝業成瀍澗卜居垂大統  
邠豐啓宇著先聲  
至今竹帛傳無敵  
一旅師當百萬兵

龍盤鳳翥拱

三陵長白山綿瑞靄  
凝天授神明

真主出家承謨烈

聖人興烟霞塞外嵐光迥樓閣雲端海氣騰咫尺寶城  
虔告祀魏哉仙闕歷階升

宮殿重重紫禁端維

皇建極肇三韓櫛風沐雨規模大闢莽披榛社稷安論  
定禮儀崇

七廟分頒功賞會千官歌風沛邑增遐思奕禩長承創  
業難

營州東與冀州連往代相承有革沿箕子益封新版宇

公孫分隸舊山川煙塵秦漢紛爭苦城郭金遼割據偏  
此日車書成一統太平風化被無邊

途中中秋蒙驛

賜御果恭紀

平郡王福彭

見說清秋節令佳月明銀漢浩無涯九天捧

詔雲程遠列馬騰風驛騎賒湛露淋離嘗御果

深恩委曲念皇華一時異數傳營幕感激三軍不憶家

甲寅元旦

是日戊寅朔立春合年月得三  
寅歲德勝於東方為兵占佳兆

平郡王福彭

亦有遐荒獻歲杯和風可共斗杓回  
占時歲德三寅聚稽首單于萬里來  
翠色遙臨仙仗柳清香應發上林梅  
堯天澤沛朝元日塞草都因淑氣催

庚戌元旦

得新字

貝子弘普

節啓三陽歲籥新東皇佳氣布芳辰  
錦城瑞靄千門麗大地韶華萬戶春  
隔牖鳥聲初睨睨傍簷花色已精神  
朝來六字沾

恩澤何限龍光接

紫宸

九日登香山來青軒步杜工部九日藍田崔氏莊

韻

鎮國公德普

豁目層巒宇宙寬  
登臨九日有餘歡  
泛瓢共浥茱萸酒  
探菊同簪桑葉冠  
落日淺銜紅樹晚  
橫溪深鎖白雲寒  
飄然忽動烟霞想  
石屋山房次第看

早朝

輔國將軍博爾都

洞門曉啓接天安  
劍佩琳瑯擁百官  
北極晴雲連樹暝  
西山落月上衣寒  
疎星影動明金闕  
殘漏聲沉度玉欄  
獨愧無才兼歲晚

聖恩回首報應難

小至日齋宿天安門曉望

輔國將軍博爾都

律轉陽回祀泰壇  
禁門清漏肅千官  
星河欲落神宮靜  
劍佩無聲曉帳寒  
樹隱殘霞標露柱  
鳥驚明月繞仙盤

五雲闕下遙相屬佳氣登臺次第看

喜長沙岳州捷音踵至  
輔國將軍博爾都

驚濤疾下恢三戶竹破長沙與岳州嶽麓毒嵐三箭定  
洞庭風浪一帆收江通蜀道原輸錦海隔珠崖本貢球  
早晚成功報

天子好攜圖籍載輕舟

南苑

輔國將軍博爾都

城南御氣動昭回羽葆參差帳殿開落日歸來盤馬埒

春風吹上晾鷹臺長楊苑側金笳發細草原頭盡鼓催  
自有詞人誇羽獵眼中多少上林材

萬柳堂

輔國將軍博爾都

高堂翠繞柳千條振策登臨入絳霄日影漸移雲覆檻  
泉聲不散雨過橋山盤曲徑看人小花布重陰隔市遙  
莫怨章臺攀折手月明還有客吹簫

喜晴

輔國將軍博爾都

緩步園林愛晚晴雲開斜日襲衣清高天乳燕迎風語



老樹寒蟬帶濕鳴  
門靜塵隨車轍減  
堦間苔逐履痕生  
銜杯幽獨無餘事  
賴有殘花照眼明

皇清文頴卷七十二

欽定四庫全書薈要卷一萬九千四百七十四

集部

皇清文頴卷七十三

詩

七言律詩

南苑扈

蹕恭紀四首

張玉書

離宮落日駐和鑾  
橐筆驚聞召講官  
匹馬頻嘶沙路軟  
千林遙拂暮烟殘  
天低翠幔星疑曙  
月轉朱旗漏未闌

最是

宵衣勤訪道經函常向夜深看

長槐夾陛捧瑤編入對分班拱細旃  
簾捲朱絲風自靜  
函開金殿日初懸身依咫尺

龍顏近字叶宮商

玉旨宣空愧管窺無寸補朝朝香案染爐烟

平沙玉勒擁龍媒豹尾風清

萬乘來羽戟連雲花外立  
凋弓如月柳邊開  
佇看露布

馳三捷遙播

天威下九垓寄語征南諸將士  
甘泉早奏凱歌回  
晨裝警蹕苑風清  
大纛飛文射日明

繡衮遙瞻霄漢迴  
牙籤還向

御筵橫鑪香肅穆  
飄經幄

鑾輅從容出幔城  
却訝從官分隊列  
三千犀甲一儒生  
孝陵陪祀恭紀三首

張玉書

鼎湖春斷廿年餘  
幾度朝

陵動玉輿此日寢園中  
裸享遙天風木重欹  
殿祠官禮肅犧尊薦  
侍從班齊雁翼舒謁  
罷攀號紛雨泣野烏啼  
咽夕陽初

豐碑突兀御階傍  
玉軸丹青石室藏  
令甲自高唐六典規模  
直陋漢三章南金東  
箭輸天府垂矢和弓  
列尚方締造

恩深貽燕遠宵衣大業付

今皇

迢遞周垣隧道崇削成雙闕表幽宮龍依奧宅千峰繞  
神擁諸天一氣通石馬夜嘶銀海月朱旗朝閃碧臺風  
徘徊曲磴松楸路咫尺

音容想像中

南書房

賜膳恭紀

張玉書

寒星拂曙漏聲徐清切天門候

起居

溫旨召趨丹禁闈

御香同展錦函書珠盤六膳宸餐渥雪碗三漿肝食餘  
臣朔飽恩翻自愧廿年橐簡術全疎

耕藉禮成恭紀三首

張英

東郊淑景轉和風種桂朝來獻六宮禹甸三千開穡事  
姬年八百肇農功雲依

鑾輅金根外春滿龍旗黛耜中自古惟陳無逸訓  
君王親與萬方同



乘時秉耒踐堯封九扈齊飛擁

六龍隴畔授鞭京兆尹壇邊進耜大司農青旗千畝公  
卿集縹輶三推父老從儉德由來兼孝德迎神此日撤

歌鐘

以國忌  
停用樂

協風遙迓翠華新正是農祥應律辰粟薦神倉親享

帝恩流御廩重勤民祀農壇畔三時慶觀藉臺邊萬寶  
陳華黍登歌書大有遍將勞酒

賜諸臣

南苑

講筵恭紀三首

張英

行宮清閼曉垂裳  
斐几先陳

黼坐傍

聖主勤民兼講誦  
儒生報國藉文章  
乍含雞舌瞻天表  
近傍龍鱗識御香  
況是土階崇儉德  
圖書道已接羲皇  
細旃廣廈集簪裾  
正是甘泉避暑初  
閣啓邇英朝進講  
筵開宗政早陳書  
柳風細拂爐烟外  
鶯囀稀聞畫漏餘

喜見孝經通衛士誦聲常聽滿星廬

聖主崇文軼古今縹囊隨

輦入華林春秋不輟符天健寒暑無分見

帝心千樹周廬青入座五雲垂蓋結成陰虞廷冀茨初  
開遍好牙薰風鼓舜琴

南苑扈從講武恭紀二首

張英

平時講武近岐陽甲冑春蒐出建章洛水旌旗周甫草  
西京詞賦漢長楊

御園雲氣成龍虎  
天廐星精本驕驕  
畫戟雕弓森羽衛  
射生羣與奉

君王

畿南地曠接滹沱

宸蹕來遊淑景和  
馬散平原春草綠  
幕連芳樹晚烟多  
雲邊影疾羈鷹落  
柳外風鳴獵騎過  
日暮天清西嶺出  
居庸層嶂遠嵯峨

賜櫻桃恭紀

張英

講筵人退五雲端分得含桃出

禁闌薦

廟祇因先百果承

恩舊許賜千官錦林初傍

宮雲摘翠籠猶沾曉露溥飽食盈筐叨

聖澤火珠光映水晶盤

賜白櫻桃恭紀

張英

朱果頻經

賜上方忽看素質滿瑤筐堆從玉碗初難識瀉向銀盤  
但有香鳥未敢銜疑雪片冰堪相映總珠光水晶簾下  
初擎出風味宜含曉露嘗

賦良馬二首

張英

天閑龍種本星精一片桃花萬里行金勒乍銜疑電繞  
玉鞭初動覺雲生遠隨日馭過青海遙逐霞光度赤城  
幸傍

鑾輿稱上駟調良獨擅渥洼名

顧影

天街燦錦鸚驂得傍

聖人前華山歸馬修文日冀野登臺市駿年芳草每銜  
仙仗裏紅泉常飲

禁雲邊從來騏驥如君子伯樂欣逢與共傳

康熙十二年十月十二日

特賜講官紫貂白金文綺時同賜者學士臣賜履侍讀

學士臣正中臣臻臣廷敬侍講臣在豐編修臣

方藹

臣

鶴齡

臣

英八人

張英

霜華曉日映

龍樓講幄簾開

玉殿頭

溫語九天傳鳳詔輕寒十日

賜貂裘頒從

御府香雲繞衣傍爐烟紫氣浮冰雪頓忘皆

聖澤陽春偏荷



主恩優

清班日侍

禁廷陰溫飽無求本素心珥筆方慚糜重祿承恩况復  
賜南金九齡曾上千秋鑑蘊古還陳大寶箴自媿涓埃  
全未答但鏤銀管効謳吟

紫殿披香帶曉開青縑

內府出新裁山龍幸際垂裳盛縫掖慚無濯錦才

宮繡續紛雲外捲

天章璀璨日邊來願將俯念諸臣意衣被蒼生遍九垓

扈從南苑蒙

賜直廬飲饌恭紀二首

先是

上於講筵諭學士傳達禮曰翰林官清苦巡行扈從所以備顧問資講勸也無令艱於資裝嗣後帳幙飲食馬匹器具皆令給於內府永著為令

張英

侍從晨趨

御苑東直廬特賜傍

行宮頓忘野色風霜急真覺

皇仁覆載同捲幔正逢明月滿攤書相對夜燈紅儒生  
何幸分帷幄常在鸞旗豹尾中

丹地年年愧素餐躬承

渥澤海天寬侍朝每得分仙饌扈蹕還教領大官

賜粟恩光沾玉粒調蘭香氣出金盤每從退食公門後  
覆餗常憂欲報難

除夕

養心殿侍宴

張英

深殿宵沉寶炬然  
歲除欣侍五雲邊  
步隨

仙仗陪鸞鷟坐近

天香聽管絃  
栢葉分行傳  
玉琰椒花送  
暖入瓊筵  
漸知  
溫律陽春早  
拜手

君恩又一年

元日

養心殿侍宴

張英

暖日和風漾鳳城履端清  
讌在承明樓前晴雪消金  
掌璣上春星轉玉衡三殿  
班聯同愷樂萬方歌舞祝

昇平欣沾元日

恩輝早聽奏鈞天第一聲

上元侍宴恭紀二首

張英

千羽虞階海蒞清傳柑時  
節宴承明檐低星月千燈  
繞庭舞魚龍百戲呈天保  
頌颺因樂愷

皇情歡豫在昇平請看此  
夕同民處九陌笙歌滿鳳  
城

宵臨

別殿敞瓊筵畫鼓聲催火樹然碧落烟消雙月映紫瀾  
風定萬珠圓千枝忽涌金波桂十丈頻開玉井蓮疊  
賜奇觀真異數浮槎星漢憶當年

五臺山新貢天花至

特頒手勅分賜恭賦

張英

靈嶽珍蔬貢尚方欣從

紫禁沐

恩光清芬遠帶山嵐色鮮潔猶含石髓香  
聖藻溫綸深雨露仙厨異味重琳瑯同時

寵賚成佳事千禩流輝照玉堂

恩賜高麗人參恭紀

張英

紫團名重舊

神京

紫團參名東坡  
有紫團參詩

瓊液金枝色最瑩山澤常看雲氣

護海天朝映日華生俯憐弱質宜仙草

特賜靈芽荷

聖情時飲甘香同湛露勝含雞舌在西清

恩賜

御筆臨蘇軾詩一卷草書唐詩二幅恭賦二首

張英

君王清燕侍臣知  
斐几常臨白玉墀  
披卷愛當明月夜  
揮毫多在晚涼時  
湘簾香繞書千帙  
春殿雲生墨一池  
地近九霄饒雨露  
名箋新

賜曲江詩

御筆書唐詩  
有曲江烟柳之句



坡仙楷法今猶在草聖新題墨未乾  
秀色松筠千嶺上  
竒姿鸞鶴五雲端

臣叨

寶翰重頒渥人比瑤光一見難  
自幸此身依日月拂牋  
常奉萬年歡

恩賜

內府綵絲藥物恭紀

張英

節近天中景物和瓊琚沾

賜出鸞坡續紛色映臨風佩飄渺香侵疊雪羅

聖澤豈需靈藥護

君恩還較綵絲多  
玲瓏宮樣人爭識  
似曳雲霄紫玉珂

侍從

西苑進講恭紀四首

張英

清時避暑駐離宮  
竹塢花溪

輦路通水殿涼  
分蘆荻雨山亭香  
滿芰荷風坐臨空翠  
鳴絃裏靜聽飛泉

講幄中

聖主一編猶在手，乾行不息與天同。

雲影天光自窈冥，蓬萊宮闕俯滄溟。  
綠槐枝覆鴛鴦瓦，碧澗光搖翡翠亭。  
乳燕掠波穿繡戶，水禽接翅過芳汀。

微臣

竊侍迎涼殿，拜手甘泉敢勒銘。

龍旗飄拂照盤渦，芳景來遊御畫舸。  
雲度石橋微雨歇，波生蓮渚晚涼多。  
嘉魚喜傍蘭橈躍，溪鳥歡迎翠輦過。  
水木清華幽賞地，仙源端可接銀河。

陪輦行宮講誦餘，隔溪欣得傍

宸居垂楊影裏攤書卷流水聲中掩直廬曉露新荷開  
沆瀣夕陽高樹對扶疎傳呼小艇花間泊觀稼亭西近  
玉除

蒙

恩命供奉

臣

周道寫

臣

小像裝演成軸

特賜恭紀二首

張英

十載清曹近玉墀

經幃秘閣許追隨忽聞

恩澤傳宮使為寫儀容遣畫師香近

御爐薰絹素墨和仙露點鬚眉三毫頰上頻添取多在  
天顏指顧時

潘岳中年髻有星自將疎野歎儀形披裘只合棲山澤  
鳴玉何堪著

殿庭麟閣勲名慚竹帛瀛洲文學媿丹青惟驚蒲柳沾  
恩渥敢傲丰裁問九齡

蒙

恩賜

內廐鞍馬恭紀

張英

中夜房星降紫霄長鳴顧影獨蕭蕭  
花驄遠自西川貢金勒新從

內廐調嘶入宮雲看攬轡光生衢路羨聯鑣  
朝朝柳下青驪穩蹀躞春風玉竦橋

平滇南詩六首

有序

張英

皇帝御極之二十年滇南既平俘馘來獻寰海內外截

然寧謚蓋自屢年以來經營四方上厯

宵旰至此底厥成事羣臣颺頌神武比於無競之烈

皇帝謙冲弗居臨軒申

命以謂

天心眷祐

祖宗靈承以克臻斯耆定又念四方赤子瘡痍初起  
衽席未安將士荷戈八載勞勩待澤籲恩並在今日  
於是展告

郊

廟崇號

兩宮發德音下

明詔沛維新之大澤布休養之深仁所以鞏固丕基嘉  
惠元元者至矣蓋武功之後煥以文德戡亂之餘  
繼以致治

聖心未嘗以天下既安而稍自暇逸也臣既祇獻昇平  
頌以揚廓清之盛復敬撰律詩六章敘捷聞之懽



忭美慶典之裔皇鋪事紀實昭鴻駿焉

君王指顧定滇中絕徼炎荒

聖澤通益部火雲天際掃昆池鯨浪日南空投戈喜愜  
休兵志因壘真成不戰功步輦早趨長樂苑

慈懷先與慰深宮

次第謹傳徧九達侍臣先許賀

彤墀丹屏方見

天顏喜赤子還縈

聖慮慈萬戶芻茭輸驛路八年戈甲頓王師親聆倍覺  
愚衷感拜手仁言百代垂

帝德如天本好生惟教貔虎瞰孤城釜魚自見鯨鯢滅  
簞食仍聞士女迎六詔何曾驚夜柝百蠻猶不廢春耕  
烏蒙烏撒咸歸化洱海波澄看洗兵

昇平大典慶如林底定還勞

睿慮深肅藉明禋揚

祖德勤將肆類答天心恩周九服光圖史孝達

重闡冠古今舞勺歌豔追盛事功成一代紀元音  
遙聽

鳳詔萬方同溫律吹從玉殿風獄縱赭衣求訟簡賦蠲  
赤縣恤民窮花村鵲報茅檐喜棘寺鸞棲犴戶空兵氣  
盡銷佳氣滿普天甘雨慶雲中

盈庭喜起集臣工經緯訏謨仰

聖聰雲合羣方歸舊服星羅宿將定元功羽千載舞期  
同樂華黍登歌願屢豐手建太平千萬禩無疆

寶祚慶龐鴻

皇清文頴卷七十三

欽定四庫全書薈要卷一萬九千四百七十五

集部

皇清文頴卷七十四

詩

七言律詩

賜假南歸恭賦紀

恩詩四首

張英

臣心寸草由來久未敢封章達

至尊每見青郊陳麥飯思乘春水到柴門上書幸恕愚

情迫

當宁偏承

詔語溫迴憶此身依日月芸編香案十年恩

典學筵開久侍觀龍綃裴几碧雲端風亭展卷都忘暑  
溫室披圖豈避寒日旰坐當樓影直宵分聽徹漏聲殘  
法天行健誠稀覩蠡見惟愁測海難

自離疏屬入觚稜碧落丹霄十二層別苑每隨臨水殿  
御筵常近讀書燈靜從秘閣聽鈴索晚向天街望玉繩

檢點平生

恩遇地涓埃酬答媿無能

雞舌乍辭文石陞羊腸重踏碧山岑陳情敢有懷鄉意  
拜

命彌增戀

關心繾綣難違芸閣侶低徊還惜

禁庭陰年來供奉銜

恩句暫向東臯澤畔吟

丙寅七月初九日

賜食於西苑并

賜法瑯爐瓶匙箸香盒各一具同被

恩賚者五人左都御史

臣

廷敬禮部侍郎

臣

乾學侍讀

學士

臣

士奇編修

臣

杜訥

臣

英時為翰林掌院

學士

張英

西巖秋光滿

上林傳來



賜食

禁庭陰芙蓉照水紅欄遠  
秔稻吹香

御苑深湛露同沾

明主澤涵風作頌  
侍臣心幾人曾到甘泉館  
柳岸花蹊  
取次吟

內製薰爐出禁闌  
鏤金錯采碧琅玕

御筵移得香猶在  
溫室分來火未寒  
沉水烟常凝玉篆  
博山雲自起龍團

賜書百卷家藏久  
裴几相簾與對看

昌瑞山晚眺

張英

地接東溟海氣黃  
橋山弓劍枕崇岡  
千林春色還秋色  
萬嶺朝陽與夕陽  
雲近

園陵多變隼月臨  
關塞迥蒼茫  
幾迴步屨驚旗後  
涕泗西風

輦道傍

乙亥六月二十日奉

召至暢春園

賜食於韻松軒

賜宴於淵鑑齋宴畢敬觀

御書於佩文齋

賜御筆書扇並紅白千葉蓮各一瓶恭賦四章同

召者戶部尚書

臣

廷敬原任左都御史

臣

鴻緒學士

臣

藻少詹事

臣

士奇太常少卿

臣

杜訥督捕理事

官

臣

會恩侍講學士

臣

夔庶子

臣

岳頌及長男

侍講學士

臣 廷瓚

張英

時和鳴鳥聽雖啗避暑亭臯愜

聖懷苑柳涼生

宣政殿渠蓮香繞讀書齋林幽地靜烟霞古徑轉谿迴  
水石佳惟有侍臣

恩眷渥木蘭舟泛到

冀階

萬幾臨御久精勤暇日

皇情涉典墳窓度竹風彌靜遠簾垂花氣更氤氲芸香  
披卷侵晨色蓮漏觀書達夜分水變墨池何足訝琳瑯  
千軸盡奎文

過雲亭畔列芳叢景物人間迥不同玉蕊乍驚天上樹  
荔枝初見嶺南紅雕欄鳥語矐矐日水殿蘭香澹蕩風  
總是生成饒雨露擢英競秀碧霄中

自昔詩稱玉井蓮錦堂今見露華鮮重臺異種蓮壺客  
碧藕竒姿太液仙餅貯荷香分渥澤舟移花影度晴川

一從拜賜芙蓉闕日日清芬几席前

侍宴外藩郡王

賜石榴子恭紀

陳廷敬

仙禁雲深簇仗低  
午朝簾下報班齊  
侍臣蚤列名王右  
使者曾過大夏西  
安石種栽紅豆蔻  
火珠光迸赤玻璃  
風霜歷後含苞實  
只有丹心老不迷

講筵

賜紫貂文綺白金恭紀三首

陳廷敬

去歲含毫侍

玉墀錦裘天上拜

恩時衣冠曙色交

龍哀鵷鷺春溫集鳳池

禁苑久依簪筆地直廬重詠

賜貂詩微勞一髮何曾効輕暖頻年媿

聖慈

賜紫貂

紫綬青綾出尚方

恩深奏謝閣門旁機絲巧度金梭月刀尺頻霑錦綺香  
袖拂螭頭爐氣暖步隨龍尾珮聲長許身

衰職無能補空睹宮衣滿篋箱

賜文綺

榮光

賜予報重重內裏分金勅禦冬赤縣尚鐫初進字瑤函  
纔啟

御前封記

恩未忍輸泉布索米重教罄釜鍾不羨長門工賣賦腐



儒執簡慶遭逢

賜白金

奉

命祭告北鎮

陳廷敬

使星十道出

王城獨奉函書到上京大漠北來沙磧盡神山東望海

雲生鶯花舊日朝

陵路楊柳春光出塞情曾是

翠華游歷處臨軒故遣侍臣行

世祖章皇帝御書正大光明四字

上御製題跋勒石

賜觀於

內殿恭紀

陳廷敬

曾侍

先皇近玉除龍鸞重捧九霄書

兩朝寶翰輝天府奕葉奎文映

禁廬典冊星雲光絢爛勛華日月氣扶輿還思開國規

模遠金匱藏編在石渠

聖德萬壽詩十二首

有序

陳廷敬

伏惟德並乾行純嘏允符函蓋光齊日照遐齡永  
配曦輪欣逢景運之隆慶洽承平之盛陽春發育  
喜萬彙之蒙庥化域和恒咏九如而獻祝  
臣 廷敬  
恭覩我

皇上禎符誕握寶錄弘膺居正體元備聖人之全德履  
仁蹈義躋天下於咸寧有生民未有之奇道隆三

古兼前代未兼之業功益百王文命敷而風教式  
於九圍武烈昭而聲靈振乎八極既高蕩蕩巍巍  
之績復溥穹穹厚厚之恩偕闡澤於神人徧謳歌  
於中外益以肇天極而修人紀用是闡

皇綱而恢

帝紘昔當初臨寶祚之時正是孝事

慈寧之日

重闡問以為君何欲我

皇答曰圖治愛民曾傳

聖語於當年言為經而辭為緯果見太平於今日治已  
定而功已成猶思由後以視今每念謹終其如始  
廓明德新民之量廣錫類不匱之原存心養性以  
達天主敬立誠而體道

容儀清穆肅雍殫昭事之虔

齋祓潔嚴享祀盡明禋之實危微精一接統緒於勲華  
濂洛關閩會淵源於鄒魯籤分甲乙探冊府之藏

卷壁丹黃發圖疇之秘西清東壁古今絕企夫

天章二典三謨前後允推夫

御製並虞廷之什義兼周雅之長超唐人之篇理取宋  
儒之正冠六文而首出邁八體以遐標玩程頤即  
此是學之言契神化於形聲之內愛公權心正筆  
正之語運經綸於文字之中宮漏未移已布千言  
於紙上封章纔罷早迴萬象於毫端貫乎百家而  
我學不厭游於六藝而惟聖多能玉尺儀天溥博

如天之大土圭候日昭明如日之新春蒐夏苗適  
脩軍國之禮投戈講藝不忘孤矢之威凡此躬行  
心得之精微具見

帝德宸修之廣大奉

東朝之鼎養允矣孝慈操北斗之璣衡皇哉作述龍樓  
鳳閣光華朗映前星玉葉瑤枝芳馥長凝叢桂克  
勤克儉建昭代之儀型是訓是行彰清時之法守  
體節用之指約省百倍於前朝弘益下之規德澤

頻施於萬姓惜金錢於太府無非寬閭左征徭減  
玉食於尚方正以裕民間積貯時頒渙汗蠲逋歲  
至再三屢沛絲綸賜免動逾千萬當爰書之覆奏  
必惻怛於

宸衷祥風轉草色於園扉協氣應星光於貫索夫自  
端居燕寢無時不以黎庶為心至於問俗觀民隨在必  
以補助為事鑾車駕而需雲布慶翠旗指而解澤  
滂敷河淮為國計攸關疏瀹悉



聖謨所示山川永奠春回禹貢之區漕輓咸宜人樂我  
朝之制良由無遠弗矚視萬里如目前以故靡舉不神  
運天下於掌上在昔逆藩蠢動致勞天討遐施一  
怒而安四海之民一舉而靖三方之亂彼有元之  
餘裔曾負固於窮邊奮我武之惟揚七旬弗俟殄  
累朝之不逞彌月而平海不揚波郡縣盡臺灣之  
地野無斥堠享王來域外之人迨喀爾喀歸依幃  
冒之中迺噶爾丹自棄生成之外

神謀獨斷

廟算無遺朔漠

三臨銘勒天山之表羽林大捷塵清瀚海而遙慕義嚮  
風日出悉冠裳之會同文合軌月支皆職貢之邦  
惟

聖主過化而存神故

王師有征而無戰所以行焉斯效動罔不臧總明目達  
聰之休弘集思廣益之美自執河魁之柄

睿照遐周高披天鏡之光物情畢鑒規模弘遠令甲宣  
昭轉輸通遼海之舟航水利興西北之農畝積倉  
平糴以逮窮簷發粟截漕以蘇澤國郵傳用恤而  
恩渥輿徒醴稅是輕而惠流商賈類宮壁水奉歲  
勸以欣榮魚服豹韜感投醪而鼓勵仕循資格而立  
賢無方才許薦揚而用人惟已時施仁於後世每  
致憫其嗣人念臣子末路之艱見覆載兼容之大  
凡沾雨露思竭涓埃共荷帡幪罔酬高厚今者歡

呼遍於率土忭舞極夫含生雲燦星輝轉洪鈞於  
一氣麟遊鳳集開壽域於遐荒八千歲為春秋壽  
增太乙億萬年齊甲子世躋華胥昔天保頌岡陵  
推誠受祿及豳風陳忠愛歸嚮稱觥臣廷敬忝列  
侍從之班幸際雍熙之代伏覩

聖德廣運同歡

萬壽無疆謹獻

聖德

萬壽詩十二首管窺蠡測而莫罄歌衢擊壤以難名臣

不任踴躍懼忤之至

泰符運啟

帝圖昌還識流虹繞電祥鳳歷紀元天並永龍飛當午  
日初長仙桃結子春三月御柳垂條歲萬行正是艷陽  
逢

聖節紅雲高捧玉爐香

日暖花明紫禁林風迴青鑠漏沉沉萬幾宵旰三天事

四海昇平五夜心  
雨露恩流金闕外  
桑麻春長玉階陰  
億年齊上無疆祝  
總為憂勤冊載深

聖質天齊凝寶命

神霄地迴照人寰  
山河環拱杲愚上  
日月高臨藻火間  
八表驩聲歌

帝則萬年春色駐

龍顏

皇圖開拓要荒外  
柔遠何曾閉玉關

講席經函列

御筵淵源盡闡魯庭傳文成偉論高謨典詩就新篇達  
性天載詠光華同舜旦深明歷象定堯年仰觀俯察鳶  
魚妙道契羲皇一畫前

丹地金鋪淑景新綺疏明淨對花茵

九霄清晏心無事萬卷詩書筆有神璀璨

宸章懸斗極龍鸞

聖藻麗星辰六文八法流傳盛光被誰能比

一人

龍文五色護瑤牋拜賜恩華自日邊開處春風彌宇宙  
捧來瑞氣出山川香含月樹枝枝秀朗照驪珠顆顆圓  
琬琰恭樞垂寶搢維南同壽永留傳

神威征伐久旋師灌燧銷烽正此時一自三廻臨朔漠  
遂令萬禩靖邊陲玉鞭晝舉靈泉出金甲宵明  
御寢遲北斗天南回望處於今中外盡雍熙

節儉



皇家邁昔王

聖心原為恤農桑止須制用供天府直使流膏徧下方  
疊見金錢蠲百萬還思玉粒自倉箱陽和到處人歡樂  
春日春隨日正長

耕織新詩出上闡情殷稼穡穡詠艱難恩添瀛海波瀾濶  
人到中天歲月寬繡壤風輕飛玉燕瑤池水暖浴青鸞  
吳綃並寫來王會若木流沙總莫安

黼座慈雲下碧空普天人在太和中祥刑德與唐虞並

育物心將造化同丹鳳

九重銜赦草金雞一夕報春風  
遐荒盡是康衢地處處謳歌達

帝聰

荷耜依杖野農情每聽

音車為省耕瑞日早迎仙蹕上彩雲  
時傍翠旗生華封人進三多祝嵩嶺  
神傳萬歲聲江北江南長望幸五年  
今得見巡行

虞廷威鳳喜來儀麟趾文祥福履綏曠代光榮逾鎬飲  
萬年祝頌叶邠詩春雲瑞雪迎三正甘雨和風順四時  
仰荷栽培同寸草冀階還與露華滋

召見

乾清門承

旨充日講起居注官恭紀

史鶴齡

幾年倬直

禁庭陰夙夜常懷捧日心宣室忽隨仙仗入承明初拜

主恩深毫分五色簪成筆書上千秋鑑是金治比虞廷  
方鼓瑟賡歌何幸入韶音

扈

蹕南苑應

制

史鶴齡

曉隨仙仗出神京爽氣欣看翠岫橫豹尾聯鑣依日麗  
龍輿馳道御風清柳垂金殿千絲裊水落銀橋萬玉鳴  
聖主巡遊來上苑天衢雲淨馬蹄輕

南苑進講恭紀

史鶴齡

獵馬平原正夏初  
鑿坡朝罷更陳書  
儒生敢謂三冬足  
聖主彌勤五夜餘  
御鼎濃香浮殿陛  
宮槐清蔭滿彤除  
文章早誦相如賦  
報國寧容上子虛

賜白櫻桃恭紀


史鶴齡

櫻桃原出上林紅  
忽訝冰姿萬顆同  
宿雨漫教瓊玉瑩  
曉霞常映水晶融  
宮鶯欲啄疑珠露  
綵燕驚翻避雪風  
今日承

恩天澤渥翠籠擎賜自瑤宮



皇清文穎卷七十四



總校官庶吉士 臣 張能照

校對官檢討 臣 郭寅

謄錄貢生 臣 李炯

欽定四庫全書薈要

集部

皇清文穎卷七十

五至  
七

詳校官候選知縣臣吳甸華





欽定四庫全書薈要卷一萬九千四百七十六

集部

皇清文穎卷七十五

詩

言律詩

康熙辛酉季春

上駐蹕馬蘭峪

召扈從諸臣

賜觀湯泉應

制四首

李 蔚

烟樹蒼蒼古薊門  
山川競秀發泉源  
靈砂暗漱雲根暖  
玉液潛通地軸溫  
孝奉

慈宮時進御澤流  
寰海盡承

恩共瞻別殿祥風  
轉樸素還欽儉德  
尊

馬首嵐光翠染衣  
溫湯勝境望中微  
久霑

聖澤松杉秀頻沃  
靈泉芝菌肥環衛  
令嚴千騎肅

寢園地近五雲飛  
侍臣趨召承

天語拜手欣傳盛事稀

俯鑒纖毫百尺明銀塘石甃自天成翩翩舞蝶金錢下  
感涕跳珠玉碗盈暖律何煩吹泰谷醴源尤羨傍

佳城

翠華頻至非巡幸霜露應知感

聖情

福泉雲岫冠黃圖何幸叨陪法從趨香霧已看蒸沆瀣  
天池殊勝濯蓬壺陽和徧滿春臺樂遊豫謳吟化日敷

寵渥同霑凡骨換長令翹首憶仙都

湯泉應

制三首

梁清標

碧殿新從勝地開  
塞垣霽色入春臺  
侍臣並挹金莖露  
黍谷何煩玉琯灰  
翠嶺籠烟迎

鳳輦黃鸝過雨嚙宮槐

六龍豈為宸遊到早晚

慈幃問寢來

巖栢森森翠影蟠桃花春泛響流湍繚垣製古無雕繪  
水殿泉香勝晚蘭清鑑曉開雲霧濕綺窓夜宿斗牛寒  
叨陪

法從同瞻眺十九臣如挾纊看

舊遊風物尚依稀何幸承

恩傍翠微廿載泉聲重入耳千峰嵐氣欲生衣瀾迴玉  
砌鮫人吐手散青蚨蛺蝶飛矯首丹崖頻駐馬

璇宮樹色綰斜暉

湯泉應

制三首

魏象樞

氤氲佳氣藹陽春一鑑中涵應

聖人浴日全歸千尺水分流合潤九州民晴烟曉覆

行宮樹夜雨先清

輦路塵自是

君恩時下濟餘波渥處及衰臣

大壑層巒抱碧隈湯泉勝蹟擬蓬萊山龍隱躍徵文物

地德溫 and 助壽杯雲擁

翠華巡幸出星高水殿問安迴

慈宮頤養多嘉悅孝治端從

聖主開

陽和滿地豁重陰

詔錫臣工次第尋甃石四圍池貯水傍巖千樹栢成林  
橋山弓劍瞻依近部屋桑麻擁護深不比華清傳勝事  
吾

皇舉動萬年歲

湯泉應

制二首

項景襄

銅龍門外翠旗開  
鳳輦聲從長信來  
只愛沸潭能益壽  
不煩承露起高臺  
夜除水面宜春日  
警蹕山頭隱畫雷  
常慶萱花榮

北闕愧無蘭草補南陔

別殿重軒近接溪  
羞將丹刻侈銅鞮  
半墻碧瓦朱闌外



一帶青松翠巘迷，止有玉繩低鐵鳳。  
更無金壁飾璇題，溫泉宮室曾稱盛。  
難與堯階

聖德齊

湯泉應

制三首

蔣弘道

山開蘭峪建旌門，瑞靄龍蔥擁

至尊德澤湯盤經，歲月澤通舜海溥。  
潺湲一池影自連雲碧，萬斛波因浴日溫。  
流到人間餘潤遠，幾多草樹沐

榮恩

別苑承

歡仰

聖衷巖巖邊水殿迥凌空九天遙發

重闈駕萬壽期延

丈母躬澹蕩風薰湯谷外澄鮮月映福泉中規模依約  
茅茨意不比華清更築宮

天語傳呼賞碧潯得瞻勝地

主恩深暖同泰谷曾吹律潔比湯盤共洗心魚藻池中  
紛隱躍鯨波海外漸消沉願將神水分河潤灑作人間  
早歲霖

湯泉應

制四首

吳正治

鬱盤佳氣拱

神京勝地時經

御輦行夾道烟嵐開帳殿凝空蒼翠閃霓旌谷吹暖律

春常在水泛陽和澤自盈

天語欽承忻賜矚臨流應識豫遊情

金根移駐六龍從松檜陰森結蓋重湯沐分來赤縣近  
暄波通處綵霞封

璇宮愛日還調膳繡甸祈年好勞農

帝德性成隆孝養瑤池長映月明峰

祥風澹蕩拂潺湲細草稂花媚

聖顏修禊恰當穀雨後濯纓疑在斗牛間階仍舊址茅

茨樸碑記遺文石蘚斑彷彿榮光呈瑞色浴龍池畔繡  
旗間

崆峒曾說降軒皇疊嶂凌霄接大荒勢扼關河占脉厚  
形蟠

園寢發泉香遙聞鐘磬諧韶夏悵望弓裘感露霜縹緲  
丹梯誰可到幸陪仙仗五雲傍

湯泉應

制四首

李天馥

一路垂楊畫裏津  
祇園喜奉

玉音頻透迤繡巘來仙梵  
宛轉青谿護谷神勝地効靈  
資遠澤名山毓瑞慶長春共  
驚造物真奇作大陸茫茫  
彙廣輪

蒼松紫柏望重重  
燠透雲根傍火龍迸溜倒傾銀  
菡萏澄波深浸玉芙蓉  
烟嵐瓦碧魚鱗合露蘚階青雁齒封  
淑氣龍蔥涵夕照  
渾疑身在祝融峯

共染氤氲禮福泉  
層巒環拱翠微天  
流霞澡德資純孝

靈液痊疴永大年細顆浮花珠媚日回欄排鏡玉生烟  
重修都本茅茨意不費官家少府錢

天然位置自巍峩猶是香巖舊補陀似藉烟霞成錦繡  
不將金碧易藤蘿祥光鬱作

橋陵瑞暖氣蒸為宇宙和深幸小臣逢盛事追隨還欲  
賦卷阿

南郊陪祀

王澤弘

九霄仙樂向空浮縹緲香烟動翠裘淑氣一陽迴縵室

神光五夜燭圓丘星辰近接瑤臺上閭闔遙從絳節遊  
最是休徵趨盛德百靈奔走盡懷柔

先農壇陪祀

王澤弘

明禋自古重先農路轉千旗從六龍青柳已霑郊甸雨  
曉雲常護石壇松精虔特展

皇家祀肅穆遙瞻

聖主容從此史臣書大有萬方歌頌樂時雍

南巡詩八首

田雯



駘蕩春光二月同霓旌畫幟

帝城東潞河新柳參差綠上苑晴霞罨靄紅七校平分  
芳草岬千帆斜挂杏花風十年未及巡南國每為蒼黎  
動

聖衷

金堤竹榭碧痕侵靈府還勞壁馬沉乙夜長繡溝洫志  
宣房先賜水衡金犇騰漸息河公勢底定皆知

聖主心玉檢赤文傳

廟略澄清重見屬車臨

黃不分流淮不東肯教中澤有飛鴻喜聞布穀鳴鹽漬  
深鎖支祁閉水中江左苔生園室碧淮南粟發太倉紅  
宅田三載寬租調無待豳詩播國風

山市春陰水市霞綠疇襟帶受風斜地官早上職方志  
天語長詢農父家角里林泉留奧曠石湖烟水賞清華  
道傍聽唱迎

鑿曲牽纜芳洲放楝花

越角吳根一水分隔江風動迂南薰橋邊花亞飛龍轡  
亭腹波涵控鶴軍帳蓋平連湖嶼色布金遙散講堂雲  
諸天鷺嶺皆歡喜法雨香來滿徑間

平林西望秣陵關鍾阜春花滿地斑

仙仗全依石城樹春旗半卷六朝山長干市下歌

湯網舊墅衢前識

舜顏渺渺秦淮如帶水戀恩猶自日潺湲

乘來畫舸勝金輿水檻香濃翰墨舒風雨忽生青鏤管

烟雲欲潤玉蟾蜍篇章清廟生民什文藻王謨帝典書  
扈從諸臣皆有賜

天章琬琰紀恩餘

法駕初歸槐序宜芊眠麥信午風吹回飏次第喧金鼓  
繞殿斑斕簇羽旗

玉案紅雲傳刻漏銀臺瑠石樹引朝儀儒臣遞進河清頌  
不數卷阿召伯詩

東巡扈從三首

孫在豐

荊州道中望盤山

天門縹緲樹冥冥，巖作雲根翠作屏。  
終古幽泉冷澗壑，何年春雨劖芝苓。  
東迴滄海連三島，北擁橋山護萬靈。  
間道禪關七十二，望中遙指一峯青。

渝關

唐時所建一名臨渝關以臨渝水故名

渡臨渝水問渝關舊是唐宗甲，馬還免走蕪田飛羽落。  
人耕沙磧戍樓閒，燕然千里寒無樹。盧谷三邊鎮有山，  
輦道春風迴灑處。鑪裘細着雨痕斑。

遼河

一名句驪河河之西曰遼西東曰遼東出  
靺鞨北諸山中經塗山至洪州崖頭牛家

莊出梁房

口入於海

句驪一派此朝宗源繞塗山百谷中地向岐豐成帶礪  
水分瀍澗作西東金黿浪拍連滄海鐵鳳雲高舞大風  
自有神鯤歸

帝網渭川應是載非熊

綏遠功德詩四首

王 揆

慶集共球萬國同綏邊籌策

廟謨雄

一人獨展懷柔略絕域隨收底定功武烈風行沙漠外  
恩膏春徧幅幘中遐荒億載無攜貳早見天山挂柘弓  
翠華飛處望來蘇夾道喧闐萬歲呼襁負歡迎無小大  
壺漿拜伏共妻孥周廬日麗旌旗合帳殿雲開劍珮趨  
重譯來朝爭貢篚儼然王會一披圖

雨露雷霆控馭宜赤心推置為分旗直教身臂相聯屬  
祇有恩威與繫縻舊號析圭資帶礪新銜班秩比星基

從茲永作

天家翰保塞輸誠聽指麾

闐闐振旅度龍沙匝匝風雲

輦路賒已見羣方銷舉燧更看絕塞息鳴笳名王跪擁  
狼頭纛天馬牽隨豹尾車飲至策勲須布告相期共草  
玉堂麻

五月十日

上命侍直南書房



恩賜

御書臨蘇軾書陶潛詩一幅恭紀二首 徐嘉炎

詔許儒臣侍執經薰風長日拂雲屏圖書玉架晴繡碧  
殿閣綳簾畫擁青羣捧

龍章尊訓誥欣承

鳳簡作儀型深慚獨荷

瑤牋賜奎壁芒寒貫紫庭

陶公高潔賦歸來蘇子當年冠蜀材應識

宸衷褒逸操懸知

天藻賞奇才烟浮繭楮霞添繞墨灑麟毫翠欲開何幸  
傳家珍綠筭近光長得倚雲裁

滇南蕩平恭紀六首

勵杜訥

十萬貔貅擁旆旌先鋒早已據金城戈揮斗極妖星落  
劍叱風雲瘴癘清湯火幾年思救拔簞壺遍野競趨迎  
殘黎喜得瞻天日踴躍軍前頌

聖明

欣傳紫甸兵銷日正值黃鐘律轉時仰慰

重闡紆

睿慮弘恢九有際昌期敷天胥慶崇尊養率土同歡展  
孝思自是功成多燕喜千官拜舞集

彤墀

久憫炎荒陷溺深金戈鐵騎拯蒼黔求寧元是

皇天命靖亂尤為

列祖心精意凝承應貺答潔蠲禋祀自居歆萬方來賀

昭神佑航海梯山日獻琛

軍聲遠震螺山外甲士長驅洱海邊  
電擊鯨鯢衝霧雨  
飈馳貔虎破蠻烟  
鳳城計日班師入  
麟閣開時奏凱旋  
載戢干戈興禮樂  
長調玉燭萬斯年

浮雲五色煥

絲綸象魏遙頒

帝澤新喜見八紘咸履泰  
頓教六合盡回春  
枿楊共被  
恩施厚草野同沾

德意均仰荷生成遊大造昇平奕禩戴

堯仁

九重宵旰圖神畧萬世苞桑賴

聖謨旁午軍書時進講如雲餽餉屢蠲租已看耆定清  
函夏猶切其咨念匹夫坐致休隆登上理生民何幸際  
唐虞

四月十三日

賜遊碧雲香山諸刹恭紀二首

勵杜訥

名山咫尺繞

皇州十載蹉跎寄夢遊

蹕幸來依玉渚

賜閒又得到丹丘芙蓉天半千峰出  
蘭若星羅一望收  
為愛碧雲階下水尋源徙倚向龍湫

香臺勝地說來青盤磴紆迴步幾停  
祇對崇光瞻

御藻漫從上界問遺經  
窻開巖際流雲濕花滿溪邊帶

露馨不是

君恩催蠟屐塵踪端的負山靈

恩賜

內府綵絲藥物恭紀

勵杜訥

風薰日麗屆端陽令節

恩波自上方藥製九霄成鳳彩繒纏五縷帶龍香擎來  
主壁充瑤笥捧出雲霞煥佩囊珍重還家榮  
主賜華門懸處有輝光

皇清文頴卷七十五